

18. *Poeciloscytus Voelzkovi* n. sp.

Piceo-niger, nitidus, tomento albido facillime divellendo vestitus, vertice macula utrinque ad oculum, pronoto stricatura apicali margineque basali tenuiter, scutello apice, rostro dimidio basali, antennis articulo secundo, basi et $\frac{2}{5}$ apicalibus exceptis, tertio fere dimidio basali, coxis intermediis basi, tibiis posterioribus annulo lato anteapicali, tarsis articulis duobus primis orificiisque metastethii lividis vel albido-flaventibus; hemelytris nigricanti-piceis, basi corii, lunula basali apiceque cunei sordide lividis; membrana nigricante, venis lividis, macula ad apicem cunei hyalina; pronoto crebre sat fortiter punctato; scutello transversim sat fortiter rugoso vix punctato; clavo distinctius, corio obsolete punctato, hoc apicem versus cuneoque laevigatis; antennis (φ) articulo secundo margine basali pronoti circiter $\frac{1}{4}$ breviore. φ . Long. $3\frac{1}{4}$, lat. $1\frac{2}{5}$ mm.

Madagascar orientalis: Fenerivo, D. Voeltzko v, 1 φ .

P. vittato m. nonnihil similis, mox autem pronoto dense et multo subtilius punctato scutelloque vix punctato distinguendus. Caput (φ) basi pronoti circiter $\frac{3}{7}$ angustius, ab antico visum latitudine cum oculis parum brevius, vertice oculo paullo latiore, fortiter marginato, margine carinato recto. Rostrum coxas posticas haud superans. Antennae (φ) graciles, articulo secundo primo fere quadruplo longiore, tertio secundo fere duplo breviore. Pronotum latitudine basali circiter $\frac{2}{5}$ brevius, callis parum distinguendis, solum striis duabus transversim impressis pone stricturam apicalem. Hemelytra (φ) apicem abdominis sat longe superantia. Tibiae anticae totae, intermediae externe muticae, hae interne tenuiter testaceo-spinulosae, tibiae posticae tenuiter et parce piceo-spinulosae.

19. *Proboscidocoris fuliginosus* Reut.

Öfv. Finska Vet. Soc. Förh. XXV, 1892, p. 30, 60. Ibid. XLVII, N:o 10, 1905, p. 15, 17.

Insulae Fenda et Pumba, D. Voeltzko v.